

# ثابرات وِسْ ثناین ن بُولوس اِثِمُوْثِیُو

## اَسَدْجِم

1 بُولوس، اَمازان ن یَشُو لَمَسِیْح علاخساب زَخاضار ن اَرَبِی، علاخساب زُواغذ ن نُودارث اِ اِدْچان دِی لَمَسِیْح یَشُو،<sup>2</sup> اِثِمُوْثِیُو، مِی اِعیَزَن: نِعیْمَت ذ اَرَحْمَت ذ زُهنا زِی اَرَبِی ثاباباث وُ زِی یَشُو لَمَسِیْح، سِیذِیْنغ.

## اَشْجَع اِثِمُوْثِیُو

<sup>3</sup>نش تَقاذِیغ اَرَبِی وِئِی وُ مِی عِبْدَغ زِی زَجْدُوذ اِنُو س ثَنفَسَشَت ثَزْدَك، اَمَشْناو شَك تِیضارغ بُنْرا اَبْدِی دِی تَرادْچِیْشِن اِنُو دْجِیْزَت ذ واس،<sup>4</sup> وِحْشَغ اَذ شَك زارغ، خُجِی تَفْكارغ ذَك اِمْطاون نَك، تَشورغ س زَفراحت<sup>5</sup> وُشا تَحْمامغ غار لِایمان بُنْرا نِیْفاق اِ ذایك اِدْچان، وِئِی تُوغا اِزْدَغن اَمزوار دِی حَناش لُووِیْس وُ ذَك یَماش اِوْنِیْكِی وُشا اَقا سَنَغ نِیْشان بَلِی اِزْدَغ ذایك عاوذ.<sup>6</sup> خ وُیْنِی سَعْقَرغ شَك، اَذ تَسْكَارذ تاموْشِی ن اَرَبِی تَنِی ذایك س وِبرِیذ ن وِسْرُوسِی ن اِفاَسَن اِنُو.<sup>7</sup> مِیْزِی اَرَبِی وار ذ انغ اِوْشِی اَرُوح ن زَعُورْث، ماشا اَرُوح ن جَهْد ذ تاِیْری ذ ضَبْط ن نَفَس س زَعْقَر.<sup>8</sup> خ وُیْنِی وار تَصْضِجِی شا جِیْما اَذ تُوْشَد شِهادت خ سِیذِیْنغ، نِیغ زَاِیِی نش وِئِی ذ اَمْحُبُوس نَس، ماشا مَحَن دِی طَوَع ن زَخِبار اَصْبَحان علاخساب جَهْد ن اَرَبِی،<sup>9</sup> وِئِی اَقا اِسْنَجْم انغ وُشا اِزاغا انغ-د س تُوْاغِیْث اِقْدَسَن، وار اِدْجِی علاخساب زَخْدایْم نَغ، ماشا علاخساب لُغاراَض نَس ذ نِعیْمَت تَنِی اِ ذ انغ اِمُوشِن دِی لَمَسِیْح یَشُو قَبْر اِكُوذَن ن زُوقْت ن زَبْدا،<sup>10</sup> اَقا اِتِواَسْضِهار زُخُوس وُخَشِی ن وُمَسْنَجْم نَغ یَشُو لَمَسِیْح وِئِی تُوغا اِیْضَرَن زَمُوث وُشا اِسْضِهار تُوْدارث وار اِفْنِیْن س زَخِبار اَصْبَحان،<sup>11</sup> اِلانْجِیْل وُ مِی تِواَسْكَاعْدَغ نش ذ اَمْبَارْح ذ وُمازان ذ وُمَسْرَمادَن زَكُئُوس.<sup>12</sup> خ سِیْث-ا عاوذ كِسیغ اَرْمح-ا، ماشا نش وار تَصْضِجِیغ شا اِ مان اِیا، مِیْزِی نش سَنَغ مان ون اِ زِی تامنغ وُشا اَقا تِواَسْفَنَع بَلِی ننا ذ اَمْرَمار جِیْما اَذ اِحْضا مِیْن ذ اِیِی اِتِواوَكْرَن اَر اَسْ نِی.<sup>13</sup> طَفْ دِی لِماتال ن وَاوازن اِصْحَن اِ زَاِیِی تَسْرِیْذ وُزا دِی لِایمان ذ تاِیْری اِ

إِدْجَانِ ذِي يَشُو لَمَسِيحِ. <sup>14</sup> حُضَا أَضْمَانِ أَصْبَحَانِ إِذْ اشِ إِتَوَاوَكْرَنِ سِ أَرْوَحِ إِقْدَسِنِ وَتِي إِ ذَائِنِغِ إِزْدَعِنِ.

<sup>15</sup> أَقَّا تَشْنَدِ ذَكَّا، بَلِّي مَارَا إِنِّي إِدْجَانِ ذِي أَسِييَا جَبِينِ أَبِي، زَائِسِنِ فِجِيخِيلُوسِ ذِ هِيرْمُوحِينِيسِ.  
<sup>16</sup> أَذْ يَارَزَفِ سِيذِي سِ أَرْحَمْتِ ذِي نَادَارْتِ نِ وُنَيْسِيْفُورُوسِ، مِينِزِي تُوغَا إِسْفُوجِ خَافِي أَطَّاسِ نِ تَوَاوِينِ وُشَا وَارِ إِصْضَحِي شَا زِي سَنَسَزِ اِنُو، <sup>17</sup> مَاشَا زَامِي ذِ يُوَسَا غَارِ رُومَا، تُوغَا يَارزُو خَافِي سِ شَضَارْتِ أَطَّاسِ وُشَا يُوفَا أَبِي. <sup>18</sup> سِيذِي أَذْ اسِ إِوَشِ، أَقَّا أَذْ يَافِ أَرْحَمْتِ غَارِ أَرَبِّي ذِكِّ وَاسِنِّي، وُشَا مَشْحَازِ إِخْدَمِ ذِي أَفَاسُوسِ، شَكِ تَشْنَدِ كَثَارِ.

### أَعْسَكَارِي إِشْنَانِ نِ يَشُو لَمَسِيحِ

**2** <sup>1</sup> شَكِ خَنِّي، مِّي اِنُو، إِزِي تَمْحَضِنِ ذِي نَيْعَمْتِ نَبِّي إِدْجَانِ ذِي لَمَسِيحِ يَشُو.  
<sup>2</sup> مِينِ زَائِييِ تَسْرِيذِ جَارِ وَاطَّاسِ نِ زَشْهُودِ سَوَكْرِ ذَكَّا ذِكِّ إِوْدَانِ إِصْدِيْقِنِ إِنِّي إِزْمَارِنِ أَذْ سَرْمَدِنِ عَاوَدِ اِنْضَبِي. <sup>3</sup> كَسِييِ أَرْحَمِ أَكْ-ذِ اِنْضَبِي أَمِ إِجِ نِ وُعْسَكَارِي إِشْنَانِ نِ يَشُو لَمَسِيحِ. <sup>4</sup> وَارِ ذِينِ وُزَا ذِ إِجِ نِ وُعْسَكَارِي إِزْهَأْ أَكْ-ذِ زَسَوَاقِ نِ تُوذَارْتِ، مَاحْنَدِ إِزْمَارِ أَذْ يَارِضَا وَنِّي ثِ إِكْنِ ذِ أَعْسَكَارِي. <sup>5</sup> وُشَا عَاوَدِ وَنِّي اِتْمَجِيزُورَانِ أَمَشْنَاوِ بُو-وُمَجِيزُورَا، وَارِ دِ اسِ تَيْشِنِ ثَامْرِيَسْتِ، مَازَا وَارِ اِمْتِينِغِ عِلَاحْسَابِ زَقَانُونِ.  
<sup>6</sup> أَفْدِجَاحِ إِ اِتْكَنِ زَخْدَمْتِ اِقْسَحِنِ، اِتْخَصَّ اسِ أَذْ اِكْسِييِ ذِ اَمَزُورِ زِي زَغِيدِچْتِ.  
<sup>7</sup> خَرَارِ مِينِ ذِ اشِ قَارِغِ وُشَا بَالَاكِ سِيذِي أَذْ اشِ إِوَشِ زَفَهَامْتِ ذِي مَارَا. <sup>8</sup> عَقْرِ بَلِّي يَشُو لَمَسِيحِ وَنِّي دِ اِتْوَاَسْنَكَارِنِ زَكِّ اِمْتِينِ، أَقَا-ثِ زِي زَارِيَعْتِ نِ دَاوُدِ عِلَاحْسَابِ زَخْبَارِ أَصْبَحَانِ اِنُو، وَنِّي إِ خَفِ كَسِييِغِ ثَامَارَا وُشَا مَاهُو عَاذِ سَنَسَزِ أَمِ إِجِ نِ وُعْفَانِ، مَاشَا أَوَازِ نِ أَرَبِّي وَارِ اِقْبِنِ. <sup>10</sup> خِ وُيْنِي تَحْمَزِغِ مَارَا ذِي طَوَعِ نِ إِنِّي اِتْوَاخْضَارِنِ، جِيْمَا نَيْشِي أَذْ اَفْنِ اَسْنَجَمِ ذِي لَمَسِيحِ يَشُو أَكْ-ذِ وُغُودِجِي اِزْبَدَا. <sup>11</sup> اِوَا ذِ أَوَازِ ذِ أَصْدِيْقِ "مَازَا نَمُوثِ أَكِيَسِ، أَذْ كِيَسِ نَدَارِ عَاوَدِ، <sup>12</sup> مَازَا نَقِيمِ نَحْمَزِ، أَذْ كِيَسِ نَحْكَمِ عَاوَدِ، مَازَا نَنكَارِ اِثِ، نَتَا أَذْ اِنِغِ اِنْكَارِ عَاوَدِ، <sup>13</sup> مَازَا تُوغَا-نِغِ وَارِ نُومِينِ، أَقَّا نَتَا اِنْغِيْمَا ذِ أَصْدِيْقِ، وَارِ إِزْمَارِ أَذْ اِنْكَارِ إِخْفِ نَسِ.

### إِزِي ذِ اَمْسَخَارِ نِ أَرَبِّي أَصْدِيْقِ

<sup>14</sup> سَعْقَرِ مَانِ أَيَا، عَزَمِ اَسْنِ زَاتِ إِ سِيذِي مَاحْنَدِ وَارِ تَمْنِغِينِ شَا سِ وَاَوَازِنِ، ذَكَّا وَارِ اِنْفَعِ إِ وَالُو مَغِيْرِ إِ وَارِدْدِچِ نِ إِنِّي اِنْصَنَاتِنِ. <sup>15</sup> اَرزُو سِ شَضَارْتِ أَذْ ثَارْدِ إِخْفِ نَكِّ

ذ اَمَقْدَجِب زَاث اِ اَرِّي، اَمَشْنَاو اَخْدَام وَّي وَّار غَارَس مِينِزِي اِ غَا اِصْضَحَا، وَّي اِسْعَدُوْن نِيْشَان اَوَاژ ن ثِيْذت، <sup>16</sup> ماشا اَكُوْج خ زَحْرُوْص اِخْوَان ن دُوْتِيْث، مِينِزِي نِيْشِي اَذ اَرِيْن اَطَّاس ذِي زَقْجَا حَتْ خ اَرِّي، <sup>17</sup> وُشَا اَوَاژ نَسْن اَذ اِتْوَاغِيْر اَمَشْنَاو وُخَسَاس. اَقَا هِيْمِيْنِيُوْس ذ فِيلِيْثُوْس دِجَان زَايْسِن، <sup>18</sup> اِنِّي اِفْغَنْ زَكْ وَّبْرِيْد ن ثِيْذت، قَارَن بَلِي ثَانُوْكَرَا اَقَا ثُوْغَا-ت وُشَا قَزْبَن لايْمَان ن شَا. <sup>19</sup> ماشا دَسَاس ن اَرِّي اِبْدَ نِيْشَان وُشَا وا ذ اَسْمِيْع نَس 'سِيْذِي اِسْن اِنِّي اِدْجَان نَس' وُشَا 'مَارَا وَّي اِقَارَن اِسْم ن لَمَسِيْح اَذ اِبْعَذ خ مِيْن وَّار اِسْكَدْن'. <sup>20</sup> ماشا ذِي ثَاذَرْت ثَامَقْرَانْت وَّار ذَايْس زَقْشُوْص ن وُرْغ ذ نُوْقَارْت وَاها، ماشا عَاوُذ ن وُكْشُوْص ذ ثُرَا حَتْ، خَنِّي شَان شَان وُشَا ن وُيْهَذَر. <sup>21</sup> خَنِّي مَارَا حَد اِسِيْزْدَكْ اِخْف نَس زِي دَكْا، اَذ يِيْزِي ذ اِسْت ن زَقْشَعْت ن شَان، ثَتْوَا قَدَس اِ نَدْجَا وُشَا نَدُوْر ثُنْفَع اِ سِيْذِي، اَقَا ثَتْوَا سُوْجَد اِ مَارَا زَخْدَايْم اِصْبَحْن. <sup>22</sup> ماشا اَرُوْر زِي نَشَوَاث ن ثَمُوْتِي وُشَا اَرْدَف ثَا سَكْدَا ذ لايْمَان ذ ثَايْرِي ذ زَهْنَا اَك-ذ اِنِّي اِتْرَاغَان اِسْم ن اَرِّي زَكْ وُرْ اِزْدِيْكَن، <sup>23</sup> ماشا نَضَار اِمْحَارَوَا ضِن اِبُوْهَازِيْن اِ د اِتْفَعْن زِي ثَقُوْبَانَشْت، شَك ثَسْنَد اَقَا نَدَهْن غَار اِمَشُوْبَاش. <sup>24</sup> وَّار اِسْوَوَار اِ اِسْمِغ ن سِيْذِي اَذ اِمَشُوْتِيْش، ماشا اِسْوَوَار اِس اَذ يُوِيُوْر س زُرْفَاث اَك-ذ مَارَا، اِزْمَار اَذ اِسْرَمْد، اَقَا غَارَس تَا سِيْع ن زَخَا ضَار، <sup>25</sup> خَنِّي اِسْرَمْد س ثَمُهِيْنْت اِنِّي اِتْعَاكْسِن. اَتَاغ اَرِّي اَذ اِسْن اِوْش اَذ ثُوْبِن اَذ سْتِن ثِيْذت <sup>26</sup> وُشَا اَذ د اِسْن يَار زَبَاز، اَذ نَفَكْن زِي ثَخْشَفْت ن اِيْرِيْس وَّي اِثْن اِحْبَسْن اِ ثِيْزِي نَس.

### وُساَن اِنْكُورَا

3 ماشا سَن دَكْا، اَقَا دَكْ وُساَن اِنْكُورَا اَذ ذِيْن اِيْرِيْن اِكُوْدَن ن زُوْقْت اِوْعَارَن. <sup>1</sup> مِينِزِي اِوْذَان اَذ حَسْن اِخْف نَسْن ذ ثِيْنَعَا شِيْن، اَذ اِيْرِيْن ذ اِيْث بُو-نَفَا حَتْ ذ اِمْعَقَارَن ذ اِمَشَقْفَن، وَّار تَطِيْعَن شَا لُوَالِيْدِيْن، وَّار تَقَاذَان، وَّار تَتْوَا قَدَسْن، <sup>2</sup> اَذ اِيْرِيْن نَبْرَا زَحْنُوْنَشْت، وَّار حَسْن اَذ مَسْصَرْحَن، اَذ شَقْفَن، وَّار غَارَسْن بُو ضَبْط ن نَفْس، اَذ اِيْرِيْن قَسْحَن، وَّار تَخْسَن مِيْن اِصْبَحْن، <sup>3</sup> اَذ اِيْرِيْن ذ اِخْدَاعِن ذ اِفْتَرُوْسَن، ذَايْسِن نَفَا حَتْ، اَذ حَسْن نَشَوَاث كَثَار زِي اَرِّي، <sup>4</sup> اَذ غَارَسْن يِيْزِي وُذْم ن وُوْقَارَن ن ثَشُوْبِي، ماشا اَذ نَكَارَن جَهْد نَس. اَكُوْج خَا سْن. <sup>5</sup> زَايْسِن اِنِّي اِتْحَامَان ثُوْذَرِيْن وُشَا سُوْشُوْمَن ثِيْمَغَارِيْن اِضْعَفْن ثِيْي يَارْبُوْن دُتُوْب، تَوَاعَارَنْت س وُبَارُوْ ن نَشَوَاث، <sup>6</sup> ثِيْنِي خَسْنْت اَذ زَمَدَنْت زَبْدَا، ماشا عَمَارَص اَذ اَوْضَنْت غَار ثَمُوْسِنَا ن ثِيْذت. <sup>7</sup> اَم مَامَش جَانِيْس ذ جَامِرِيْس اِنِّي ثُوْغَا اِتْمَعَا زَان اَك-ذ مُوسَى، اَمُوْ عَاوُذ اِنَا تْمَعَا زَان اَك-ذ ثِيْذت، اَقَا-ثَن ذ

اِوُذَان اِنِّي زَعَقَر نَسْن اِنْتَوَاعَشْرَ، اِنِّي لِاِيْمَان نَسْن وَاَر اِنْتَوَاقْدَجَب. <sup>9</sup> مَاشَا وَاَر تَرِيْحَن شَا كَثَار غَار زَاث، مِيْنَزِي اَفْعُوْر نَسْن اَذ اِبَان اِ مَارَا، اَم مَامَش ثُوْغَا اِمَسَار عَاوُذ اِ يِنِّي.

### بُولُوس اِنْتَرِيَار خ اِثيموثييو مَاحَنْد اَذ اِسِيْغِي اَكِيْس ذِي لِاِيْمَان

<sup>10</sup> مَاشَا شَك ثَسِيْغِيْد اَكِيْذِي ذَكْ وُسْرَمُذ اِنُو، اَم مَامَش كُوْرغ، ثَسِيْغِيْد اَكِيْذِي ذِي لِغَارِاض اِنُو، لِاِيْمَان اِنُو، تَاسِيْع ن زَخَاضَار اِنُو، ثَايْرِي اِنُو ذ صَبَار اِنُو، <sup>11</sup> ذِي زَحْصَارَاث ذ وُوْدَب اِنُو اِ خَافِي اِكِيْن ذِي اَنْثِيُوْخِيَا ذ اِكُوْنِيَا ذ لِيْسْتَرَا. مَان مَا زَحْصَارَاث اِ خَافِي اِكِيْن، اَقَا سِيْذِي اِسْنَجْم اَبِي زَايْسَنْت مَارَا. <sup>12</sup> س ثِيْدَت مَارَا اِنِّي اِحْسَن اَذ دَارَن س وُوْقَارَن ثَشُوْنِي ذِي لَمَسِيْح يَشُو، اَذ تَوَاذَارْتَسْن. <sup>13</sup> مَاشَا اِوُذَان اِعْفَانَن ذ اِشْمَاثَن اَذ اَرْنِيْن ذِي مِيْن اِعْفَنَن، اَذ غَوَان وُشَا اَذ تَوَاعُوَان. <sup>14</sup> شَك مَاشَا، قِيْم ذِي مِيْن ثُوْغَا ثُرْمُذذ وُ ذِي مِيْن ثَنُوَاْسَقْنَعُذ اَم ثَسَنْد مَان وَن اِ زِي ث ثُرْمُذذ، <sup>15</sup> اَقَا زِي ثُرْمِي تَسَنْد ثِيْرَا اِقْدَسْن، ثَنِّي زَمَارَنْت اَذ شَك اَرَنْت ذ اَمِيْغِيْس جِيْمَا اَذ تَوَاْسَنْجَمُذ س لِاِيْمَان ذِي لَمَسِيْح يَشُو. <sup>16</sup> مَارَا ثِيْرَا اَقَا وُْبِيْنْت-يِد زِي اَرْبِي، اَقَا نَفْعَنْت ثَانِيَا اِ وُسْرَمُذ، اِ وُصْحِي، اِ وَعْدَاذ وُشَا اِ ثَارْبِيْث ذِي ثَسْكَلْدَا، <sup>17</sup> جِيْمَا بَنَاذَم ن اَرْبِي اَذ يِيْزِي اِعْسَن اِحْرَم اِ مَارَا زَخْدَمْت اِصْبَحْن.

**4** <sup>1</sup> تَعُوْرَغ خَاك زَاث اِ اَرْبِي ذ سِيْذِي يَشُو لَمَسِيْح وَنِي اِ غَا اِحْكَمَن خ اِنِّي اِدَارَن ذ خ اِنِّي اِمُوْتَن غَار وُخَشِي نَس ذ ثُكَلْدِيْث نَس: <sup>2</sup> بَارَح س وَاوَاز ن اَرْبِي، اِزِي ثَفَاقْد ذِي زُوْقْت نِيْغ بَارَا اِ زُوْقْت، صَح، عَاقِب، عَزَم س مَارَا تَاسِيْع ن زَخَاضَار ذ وُسْرَمُذ، <sup>3</sup> مِيْنَزِي اَذ د يَاس اِشْتَن ن زُوْقْت خَجِي اِوُذَان وَاَر قَبْرَن عَاذ ثَاغُوْرِي اِصْحَن، مَاشَا اَذ سَمُوْنَن اِ اِحْف نَسْن اَطَّاس ن اِمَسْرَمَاذَن عِلَاْحَسَاب ثِيْزِي نَسْن، اِنِّي اِسَارِيْحَن اِمُرُوْغَن نَسْن، <sup>4</sup> اَذ جَمُذَن ثِيْدَت خ اِمَجَان وُشَا اَذ فَعْن زَكْ وَبْرِيْد غَار ثُجُوْجَا اِحْوَان. كَشَك مَاشَا فَاق ذِي كُوْرَشِي، كَسِي اَرْمَح، اَكْ زَخْدَمْت ن وُْمَبَشَار وُشَا كَمَر زَخْدَمْت ن ثَسْخَارْت نَك. <sup>6</sup> مِيْنَزِي نَش اَقَا تَوَاذِجَع اَم ثَضَحِيْث ن ثَسْسِي وُشَا زَمِيْجَازَن ن تَوَاْحِيْث اِنُو ثِيُوْض-د. <sup>7</sup> نَش مَنْغَع اَمْنِغِي اَصْبَحَان، اَقَا كَمْرَغ ثَازَرَا اِنُو، حَضِيْغ لِاِيْمَان. <sup>8</sup> حَنِّي ثَنُوَاْسُوْجُذ اَبِي ثَمْرِيْسْتَن ن ثَسْكَلْدَا، ثَنِّي اِ ذ اِبِي غَا اِوُش سِيْذِي، زَقَاضِي اَمْسَكَاذ ذَكْ وَاَسَن نِي، وَاَر اِذْجِي اِ نَش وَاهَا، مَاشَا عَاوُذ اِ مَارَا اِنِّي اِحْسَن اَخَشِي نَس.

## أَوَاژ ذِ وُسُدْجِمِ اَنَكَّارُو

<sup>9</sup>شَضْرَاث جِيْمَا اَذْ غَارِي-دِ ثَاَسْدِ ذَغِيَا. <sup>10</sup>مِيْنَزِي دِيْمَاَس اِسْمَحْ ذِ اَيِي، اِتْحَسْ دُوْنِيْثِ وُشَا اِرُوْحْ غَارِ ثِيْسَالُوْنِيْكََا. كَرِيْسَكِيْسِ اِرُوْحْ غَارِ كَثَالَطِيْيَا وُ ثِيْتُوْسْ غَارِ ذَاَلْمَاثِيْيَا. <sup>11</sup>مَغِيْر لُوْكََا اِكِيْذِي اِقِيْمِن. اَوِي-دِ مَارَكُو وُشَا كَلُوْذِ اِثْ اَكِيْكَ، مِيْنَزِي اِنْفَعْ اَيِي ذِي رَحْدَمْثِ نِ نَسْخَاْرْثِ. <sup>12</sup>سَكَّغ-دِ ثِيْشِيْكَوْسْ غَارِ اَفَاثُوْسْ. <sup>13</sup>خَمِي اِ دِ غَا ثَاَسْدِ، اَوِي-دِ اَكِيْشِ ثَشَاْمِيْرِ ثَنِّي جِيْغِ ذِي ثُرُوْوَاَسِ ذِي ثَاْدَاْرْثِ نِ كَارْبُوْسِ وُزَا ذِ اِذْلِيْسِن، بَعْدَا رَمَصَاْحَفِ نِ شَارِكِ. <sup>14</sup>اَلِيْكَسَاَنْدِيْر، اَمَزِيْر نِ نَحَاَسْ، ثُوْغَا اِكَا ذَايِي اَطَاَسْ نِ ثُوْعَفْنَا، سِيْذِي اَذْ ثِ اِخْدَجْصِ عِلَاْحَسَابِ رَحْدَايِمِ نَسْ. <sup>15</sup>حُضَا اِخْفِ نَكْ زَايِسْ، مِيْنَزِي نَتَا ثُوْغَا اِنْعَكَاَسِ اَوَاژِنِ نَغْ اَطَاَسْ. <sup>16</sup>وُمِي كَاْرْغِ اَذْ وُتْعِ خِ اِخْفِ اِنُوْ ثَاوَاژَا ثَاْمَزُوْرُوْثِ، وُزَا ذِ اِحْ وَارِ كِيْذِي دِ يُوْسِي، مَاشَا مَارَا سَمْحِنِ ذَايِي. اِحْ اَذْ يِيْزِي وَارِ اِدْجِي ذِ اِخْدَجْصِ نَسْنِ. <sup>17</sup>مَاشَا سِيْذِي ثُوْغَا-ثِ غَارِ وُغَزْدِيْسِ اِنُوْ وُشَا اِوْشَا اَيِي جَهْدِ، جِيْمَا خَنِّي زَايِي اِغَا اِكَمَّرِ وُبَارْحِ وُشَا مَارَا رَكْنُوْسِ سَبْرِيْنِ تِ وُشَا نَشِ ثُوْاْفَكَّغ-دِ زَكْ وُخَنْفُوْشِ نِ وَايَاذِ. <sup>18</sup>وُشَا سِيْذِي اَذْ اَيِي اِفَكْ زِي مَارَا رَحْدَايِمِ ثِيْعَفَايِنِ، اَذْ اَيِي اِحْضَا اِنْكَلْدِيْثِ نِ اِحْتَوَانِ نَسْ. اِنْتَا اِغَا يِيْزِي وُغُوْدْجِي اِزْبَدَا قَاْعِ. اَمِيْنِ. <sup>19</sup>سَدْجِمِ خِ بَرِيْسَكَا ذِ اَكُوِيْلَا وُخِ اَيْنَبَا نِ ثَاْدَاْرْثِ نِ وُنِيْسِيْفُوْرُوْسِ. <sup>20</sup>اِرَاَسْتُوْسِ اِقِيْمِ ذِي كُوْرِيْنْتُوْسِ وُشَا ثُرُوْفِيْمُوْسِ جِيْغِ ثِ ذِي مِيْلِيْتُوْسِ اِهْرَشِ. <sup>21</sup>شَضْرَاثِ جِيْمَا اَذْ دِ ثَاَسْدِ قَبَرِ ثَاكْرِيْسْتِ. اِوْبُوْلُوْسِ ذِ بُوْذِيْنِسِ ذِ لِيْنُوْسِ ذِ كَلُوْذِيْيَا ذِ مَارَا اُوْمَاثِنِ تَسْدَجَاْمِنِ خَاكِ. <sup>22</sup>سِيْذِي يَشُو لَمْسِيْحِ اَقَا-ثِ اَكْ-ذِ اِرُوْحِ نَكْ. نِيْعَمْتِ اَذْ كِيَوْمِ ثِيْزِي. اَمِيْنِ.